

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Architectura vniversalis

Furtttenbach, Joseph

Ulm, 1635

Das Kupfferblatt No. 41

[urn:nbn:de:bsz:31-108034](https://nbn-resolving.org/urn:nbn:de:bsz:31-108034)

Von dem groben Geschütz.

Von dem
groben Ge-
schütz.

Sinnach in meiner offberührten Halinitro Pyrobolia vielfaltig / vnd also gar ausführlich von allen drey Generibus oder dreyerley Geschlechten des groben Geschützes / auch wie dieselbige zuerfehen seyen / wie die Caña vñ Lad-schaukeln geformirt sein sollen / grüdtlich ist tractirt worden / daher so gedencke ich daß schon einmal beschribene nicht mehr zu repliciren sonder ich will den Kunstbegirigen Leser dahin gewisen haben / allda er dann gnugsamen Bericht vernemmen wirdt: Hiezugegen vnd in daß hiedornen vfferbaute Zeughaus aber gedencke ich nur etlich wenig Stück Geschütz vñnd Pöler / so schon auff ihren Schäften ligen / als ein Zugab zu verordnen / darmit der junge Büchsenmeister allein vñnd so viel das wolhaltende Beschläg oder Eysenwerck belangt / inn etwas weiters vñnterichtet vñnd Fundirt werde / auch nach denselbigen desto bessere Anordnung zu thun vermögt seye / vñnd will ich allein die Jenige fürbilden / die ich inn andern auch rühmlichen Zeughäusern gesehen habe / welche man dann vñnd so viel als das Eysenwerck vñnd Beschläg anbelangt / für starck vñnd beständig halten thut / massen hernach mit mehrerem wirdt zu vernemmen seyn.

Das Kupfferblatt N. 41.

Das Kupf-
ferblatt
No 41.

Sey. L. wirdt erstlich ein Canone di Corsia (desen Qualitet vñnd Beschaffenheit dann in der Halinitre Pyrobolia folio. 60. sampt seiner auß rechtem Fundament geschnittener Ladschaukeln noch lengs ist beschriben worden) Mable-
P iii risch

Ein Canon
di Corsia so
auff einer
Schlaiffen
liegend.

risch/ vnnnd allein zu dem ende für gestellt/ damit man sein Schlaiffen oder Schafft/ vnnnd Beschlag von Eysenwerck darbey sehen möge. Eben ein solches Stuck Geschütz wirdt/ massen dann bey meiner Architectura Navali, vnd wie daselbsten an folio. 58. zu sehen ist / auff die Galea vnnnd in die Corlia gelegt / auff dergleichen Schlaiffen er dann im loßbrennen sanfft vnd recht zu ruck lauffen / hernach aber mit 2. Sailern widerumben hin für auff die Spitzen der Galeen kan gezogen werden: Eben auff dergleichen Schafft thut man auch die Moiane oder Sagri, derer jedes. 10. Pfund Eysen schießt / so wol auch die Steinstück so. 9. Pfund Stein: oder Nagel treiben/ legen/ jedoch die letst ernante Schafft (wie abermahlen in meiner Architectura Navali folio. 59. zu sehen ist) gar fest auff die Galea bestättigen / warumben solte man dann die. 2. letstere kleine sorten nit eben so wol auff einem Schiff/ so Forma genannt wirdt (vnd hievornen bey dem Kupfferblatt N. 33. wie es zuerbarwen sene / ist erlernt worden) vnnnd also auff den fließenden Wassern gebrauchen könden? Der Verständige wirdt ohne andere Instruction diese geschmeidige Machina in manicherley Händel fortan nützlichen zugebrauchen wissen.

Schafft zum Steinstück.

Ein Schafft
zum Stein-
stück.

Man hat sonst auch ein gar bequeme Manier von Steinstücken die. 5. Pfund Stein treiben / welche auch zum Nagelschießen wol zugebrauchen seynd/ wie aber der Schafft zu ernantem Stuck Geschütz beschlagen wirdt/ das gibt dieser Mahlerische Riß/ oder Figur zu erkennen/ dergleichen Geschütz dann gar handsam zugebrauchen seynd.

Das Kupfferblatt N. 42.

Das Kupfer-
Blatt
No. 42.

Das ganze
verfertigte
Steinstück.

Dezugegen siehet nun hieoben angedeutetes Stuck / so. 5. Pfund Stein schießt / auff seinem Schafft vnnnd Rädern ganz verfertiget vor Augen/ das läst sich nun wohin mans begeret/ gar eyfertig führen / vnd mag für ein Porta der Petarda auffzupassen/ oder aber für ein Pressa gestellt werden / allda es dann grosse vnd rühmliche Faction mit dem außwerffenden Nagel oder Ketten zu thun vermögt ist.

Das Kupfferblatt N. 43.

Das Kupfer-
Blatt
No. 43.

Ein Viertel
Carthaimi.

Das ist ein viertel Carthaimen / so. 11. Pfund Eysen treibt / vnnnd wirdt im ordinari schießen mit. 8. Pfund Carthaimen Pulffer geladen: Wann nun schlecht ober das Metal (ohne auffsatz) hinaus punctirt wirdt / so thut sein eyserne Kugel. 700. bis in. 800. Schritt erreichen / vnd da es auff diese Manier mit Eysen